

Na osnovu člana 39. stav (6) i člana 161. tačka 19) Zakona o zaštiti od požara i vatrogastvu ("Službene novine Federacije BiH", broj 64/09), u saradnji sa Federalnom upravom civilne zaštite, Federalno ministarstvo energije, rudarstva i industrije donosi

PRAVILNIK

O USLOVIMA KOJE MORAJU ISPUNJAVATI PRAVNA LICA KOJA OBAVLJAJU KONTROLU ISPRAVNOSTI, SERVISIRANJE I ODRŽAVANJE APARATA, KAO I SADRŽAJU I NAČINU POLAGANJA STRUČNOG ISPITA ZA LICA KOJA LIČNO (NEPOSREDNO) OBAVLJAJU POSLOVE ISPITIVANJA, SERVISIRANJA I ODRŽAVANJA APARATA ZA GAŠENJE POČETNIH POŽARA

I - OSNOVNE ODREDBE

Član 1.

(Predmet Pravilnika)

Ovim pravilnikom propisuju se uslovi koje moraju ispunjavati pravna lica koja obavljaju kontrolu ispravnosti, servisiranje i održavanje aparata za gašenje početnih požara (u daljem tekstu: aparata), kao i sadržaj i način polaganja stručnog ispita za lica koja obavljaju neposredne poslove ispitivanja, servisiranja i održavanja aparata.

Član 2.

(Pravna lica na koja se pravilnik odnosi)

Pravna lica u smislu ovog pravilnika smatraju se privredno društvo, profesionalna vatrogasna jedinica formirana u organu uprave civilne zaštite općine/ grada i kantona i dobrovoljno vatrogasno društvo i koja shodno odredbama člana 164. tačka 1) Zakona o zaštiti od požara i vatrogastvu ("Službene novine Federacije BiH", broj 64/09, u daljem tekstu: Zakon), mogu obavljati poslove servisiranja, pregleda i održavanja aparata.

Član 3.

(Pojmovi i definicije)

Pojmovi koji se koriste u ovom pravilniku imaju značenje kako je utvrđeno Zakonom.

Član 4.

(Održavanje i ispitivanje ispravnosti i funkcionalnosti aparata)

Korisnici aparata za gašenje početnih požara (u daljem tekstu: aparat) dužni su da osiguraju njihovo održavanje i ispitivanje ispravnosti i funkcionalnosti, u skladu sa članom 39. stav (1) Zakona.

II - USLOVI ZA OBAVLJANJE POSLOVA ODRŽAVANJA I ISPITIVANJA APARATA

Član 5.

(Subjekti koji mogu obavljati poslove održavanja i ispitivanja aparata)

Poslove održavanja i ispitivanja aparata koji se odnose na kontrolu ispravnosti, servisiranja i njihovog održavanja, mogu obavljati pravna lica iz člana 2. ovog pravilnika i koja moraju imati najmanje jednog zaposlenika sa najmanje III stepenom školske spreme sa kojim je zaključen ugovor o radu sa punim radnim vremenom na neodređeno vrijeme.

Član 6.

(Serviser aparata)

Pravno lice iz člana 2. ovog pravilnika, u skladu sa članom 39. stav (2) Zakona, dužno je da za neposredne poslove održavanja i ispitivanja aparata, angažuje lice koje ima položeni stručni ispit iz člana 8. ovog pravilnika (u daljem tekstu: serviser aparata).

Član 7.

(Odgovornost serviser aparata)

Serviser aparata koji (neposredno) obavlja poslove ispitivanja, servisiranja i održavanja aparata je dužan da te poslove vrši savjesno, odgovorno i uz čuvanje poslovne tajne.

III - SADRŽAJ I NAČIN POLAGANJA STRUČNOG ISPITA ZA SERVISERA

Član 8.

(Stručni ispit)

Stručnim ispitom se provjerava sposobnost kandidata da obavlja stručne poslove (neposrednog) obavljanja poslova ispitivanja, servisiranja i održavanja aparata za gašenje početnih požara.

Član 9.

(Sadržaj stručnog ispita)

- (1) Stručni ispit iz člana 8. ovog pravilnika sastoji se od osnovne obuke i ispita provjere znanja.
- (2) Osnovna obuka provodi se u pravnom licu iz člana 2. ovog pravilnika, a ispit provjere znanja provodi se pred komisijom koju imenuje kantonalno ministarstvo unutrašnjih poslova (u daljem tekstu: kantonalno ministarstvo).
- (3) Sadržaj ispita iz stava (1) ovog člana, utvrđen je programom stručnog ispita, nalazi se u Prilogu broj 1. ovog pravilnika.

Član 10.

(Način provođenja osnovne obuke)

Osnovna obuka iz člana 9. ovog pravilnika, vrši se na način utvrđen u odredbama čl. 11. i 12. ovog pravilnika.

Član 11.

(Preduslov za polaganje stručnog ispita)

- (1) Obuka koja traje 10 radnih dana na poslovima održavanja i ispitivanja aparata je preduslov za polaganje stručnog ispita.
- (2) Nakon obavljene obuke pravno lice iz člana 2. ovog pravilnika je dužno izdati potvrdu da je kandidat uspješno završio obuku iz stava (1) ovog člana.

Član 12.

(Podnošenje zahtjeva)

- (1) Zahtjev za polaganje ispita podnosi kandidat nakon završene obuke iz člana 11. ovog pravilnika kantonalnom ministarstvu prema mjestu prebivališta kandidata, najkasnije u roku od 60 dana od dana završene obuke.
- (2) Obrazac zahtjeva iz stava (1) ovog člana, nalazi se u Prilogu broj 2. ovog pravilnika.
- (3) Uz zahtjev za polaganje ispita prilaže se originali ili ovjerene fotokopije slijedećih dokumenta:
 - a) dokaz o završenoj školi / fakultetu,
 - b) potvrda o završenoj obuci iz člana 11. stav (2) ovog pravilnika,
 - c) Uvjerenje o prebivalištu (cipsova prijava),
 - d) dokaz o uplati troškova za polaganje ispita (uplatnica),
- (4) Ukoliko je zahtjev nepotpun, kantonalno ministarstvo će pismeno obavijestiti kandidata da u roku od osam dana dopuni zahtjev.
- (5) Ukoliko kandidat ne dostavi dopunu tražene dokumentacije iz stava (4) ovog člana, kantonalno ministarstvo donosi zaključak o odbacivanju zahtjeva.

Član 13.

(Sastavni dio ispita provjere znanja)

- (1) Ispit provjere stručnog znanja sastoji se od pismenog dijela.

- (2) Kandidat pristupa polaganju ispita iz stava (1) ovog člana, kada kantonalno ministarstvo donese rješenje o odobranju polaganja ispita.
- (3) U rješenju iz stava (2) ovog člana određuje se mjesto, vrijeme i visina troškova za polaganje ispita i u kojem ispitnom roku kandidat polaže ispit.

Član 14.

(Posebno rješenje o visini naknade za polaganja stručnog ispita)

- (1) Visinu naknade za polaganje stručnog ispita iz člana 8. ovog pravilnika, posebnim rješenjem utvrđuje kantonalni ministar unutrašnjih poslova (u daljem tekstu: kantonalni ministar).

- (1) Naknadu iz stava (1) ovog člana, uplaćuje kandidat.

Član 15.

(Imenovanje komisije za polaganje stručnog ispita)

- (2) Ispit provjere znanja polaže se pred komisijom za polaganje stručnog ispita (u daljem tekstu: komisija), koju rješenjem imenuje kantonalni ministar.
- (3) Komisija iz stava (1) ovog člana sastoji se od predsjednika, dva člana i sekretara komisije. Istim rješenjem imenuju se zamjenski članovi i zamjenski sekretar komisije.
- (4) Komisija iz stava (1) ovog člana, imenuje se na period od četiri godine, sa mogućnošću produženja na još četiri godine.
- (5) Komisija iz stava (1) ovog člana, radi u punom sastavu.
- (6) Komisija iz stava (1) ovog člana donosi poslovnik o radu koji mora biti usaglašen sa ovim pravilnikom.

Član 16.

(Komisija za polaganje stručnog ispita)

- (1) Predsjednik i članovi komisije imenuju se iz reda zaposlenika kantonalnog ministarstva koji rade na poslovima visoke stručne spreme sa završenim VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja (koji se vrednuje sa 240 ETCS bodova) ili drugog ili trećeg ciklusa Bolonjskog sistema studiranja mašinske, elektrotehničke, građevinske ili pravne i upravne struke i koji imaju najmanje tri godine radnog iskustva u struci.
- (2) Za sekretara komisije imenuje se zaposlenik kantonalnog ministarstva koji ima IV stepen srednje stručne spreme i obavlja sve administrativne poslove potrebne za rad komisije (priprema zapisnik, vodi dokumentaciju i obavlja druge poslove iz nadležnosti komisije).
- (3) Predsjedniku, članovima i sekretaru komisije pripada pravo na naknadu za rad, čiju visinu rješenjem određuje kantonalni ministar.
- (4) Visina naknade iz stava (3) ovog člana utvrđuje se na osnovu troškovnika za polaganje ispita, koji odobrava kantonalni ministar.

Član 17.

(Tok polaganja ispita)

- (1) Prije početka polaganja ispita provjere znanja komisija utvrđuje identitet kandidata, upozna ga sa pravima i obavezama kod polaganja ispita.
- (2) Polaganje ispita ili nastavak polaganja započetog ispita može se odgoditi na zahtjev kandidata zbog bolesti ili drugih opravdanih razloga, o čemu odlučuje komisija.
- (3) Kandidat koji iz opravdanih razloga ne može pristupiti polaganju ispita, dužan je o tome pisanim putem obavijestiti komisiju prije početka održavanja ispita, da bi izvršena uplata troškova za polaganje ispita bila važeća u jednom od slijedećih ispitnih rokova.
- (4) Ako kandidat bez opravdanog razloga ne pristupi polaganju ispita ili odustane od već započetog ispita, smatrat će se da ispit nije položio.

Član 18.

(Organizacija ispita)

- (1) Ispitna komisija priprema pitanja za ispit dva sata prije početka ispita i sastoji se od 10 pitanja sa tri do četiri ponuđena opsijska odgovora koji donose ukupno 30 bodova za sve tačne odgovore.
- (2) Prilikom rješavanja ispita, kandidat odgovara na svako pojedinačno pitanje, označavanjem samo jednog od ponuđenih opsijskih odgovora.
- (3) Ukupan broj bodova za svakog kandidata na ispit, predstavlja zbir bodova za svaki odgovor.
- (4) Kandidat koji je osvojio najmanje 18 bodova komisija konstatuje da je položio ispit.
- (5) Kandidat koji nije položio ispit može podnijeti novi zahtjev za polaganje ispita u slijedećem ispitnom roku, na način utvrđen u ovim pravilnikom.
- (6) Ispit traje najduže jedan sat.

Član 19.

(Zapisnik komisije)

- (1) O toku polaganja ispita vodi se zapisnik u koji se unose podaci o toku ispita.
- (2) Obrazac zapisnika iz stava (1) ovog člana, nalazi se u Prilogu broj 3. ovog pravilnika.
- (3) Po završetku ispita, u prisustvu članova komisije, predsjednik komisije saopštava kandidatu da li je "položio ispit" ili "nije položio ispit".
- (4) Sastavni dio zapisnika čine svi dokumenti koji su priloženi uz zahtjev uključujući i test kandidata.
- (5) Zapisnik potpisuje predsjednik, članovi i sekretar komisije.
- (6) Zapisnik se dostavlja kantonalnom ministarstvu koje izdaje uvjerenje o položenom ispit.

Član 20.

(Uvjerenje o položenom stručnom ispit)

- (1) Kandidatu koji je položio ispit, kantonalno ministarstvo izdaje uvjerenje o položenom stručnom ispit.
- (2) Obrazac uvjerenja iz stava (1) ovog člana, nalazi se u Prilogu broj 4. ovog pravilnika.

Član 21.

(Evidencija o izdatim uvjerenjima)

- (1) Kantonalno ministarstvo vodi evidenciju o izdatim uvjerenjima o položenim ispitima iz člana 20. ovog pravilnika, u obliku knjige koja treba biti ostraničena, uvezana i ovjerena pečatom i potpisom kantonalnog ministarstva i čuva se trajno.
- (2) Obrazac knjige evidencije iz stava (1) ovog člana, nalazi se u Prilogu broj 5. ovog pravilnika.
- (3) Kantonalno ministarstvo na svojoj internet stranici objavljuje listu kandidata kojima su izdata uvjerenja o položenom ispit iz stava (1) ovog člana.
- (4) Kantonalno ministarstvo je dužno početkom svake nove kalendarske godine, na osnovu knjige evidencije iz stava (2) ovog pravilnika, Federalnom ministarstvu unutrašnjih/unutarnjih poslova dostavljati pisanim putem i u elektronskoj formi, listu kandidata kojima su u prethodnoj kalendarskoj godini izdata uvjerenja o položenom ispit.

IV - PRELAZNE I ZAVRŠNE ODREDBE

Član 22.

(Prilozi)

Prilozi br. 1. do 5. nalaze se u prilogu ovog pravilnika i čine njegov sastavni dio.

Član 23.

(Prestanak važenja propisa)

Danom stupanja na snagu ovog pravilnika prestaje da važi Pravilnik o uslovima koje moraju ispunjavati pravna lica koja obavljaju kontrolu ispravnosti, servisiranje i održavanje aparata, kao i sadržaju i načinu polaganja stručnog ispita za lica koja lično (neposredno) obavljaju poslove ispitivanja, servisiranja i održavanja aparata za gašenje početnih požara ("Službene novine Federacije BiH", br. 4/22 i 102/22).

Član 24.

(Prethodno podneseni zahtjevi za polaganje ispita)

- (1) Zahtjev za polaganje ispita, koji je podnesen do stupanja na snagu ovog pravilnika rješavat će se po ovom pravilniku.
- (2) Zahtjevi koji se odnose na izdavanje odobrenja iz člana 3. Pravilnika o uslovima koje moraju ispunjavati pravna lica koja obavljaju kontrolu ispravnosti, servisiranje i održavanje aparata, kao i sadržaju i načinu polaganja stručnog ispita za lica koja lično (neposredno) obavljaju poslove ispitivanja, servisiranja i održavanja aparata za gašenje početnih požara ("Službene novine Federacije BiH", br. 4/22 i 102/22), rješavat će se u skladu sa odredbama propisa iz člana 164. tačka 1) Zakona.

Član 25.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 07-02-1-2106-5/22

31. augusta 2023. godine

Mostar

Ministar

Vedran Lakić, s. r.**Prilog broj 1.****PROGRAM
STRUČNOG ISPITA**

Program stručnog ispita za (neposredno) obavljanje poslova ispitivanja, servisiranja i održavanja aparata za gašenje početnih požara sastoji se od pismenog dijela i obuhvata sljedeće:

Program za polaganje pismenog dijela stručnog ispita

Pismeni dio ispita sastoji se od poznavanje osnovnih sadržaja i primjenu zakonske regulative, tehničkih propisa i standarda, kao i usvojene tehničke prakse za servisera aparata (za ispitivanje, servisiranje i održavanje aparata za gašenje početnih požara), i obuhvata:

- zaštite od požara i vatrogastva;
- prometa i prijevoza zapaljivih, eksplozivnih i drugih opasnih materija;
- prostornog planiranja i građenja;
- fizičko - hemijski proces gorenja i gašenja požara;
- klase požara koje mogu nastati na građevini, površinom građevine i proračunom požarnog opterećenja;
- zaštita od požara u građevinarstvu za potrebe gašenja požara;
- stavljanje u promet aparata i garantni rok i rok osiguranog servisiranja;
- uslovi za aparate koji se mogu stavljati u promet na području Federacije Bosne i Hercegovine.
- rukovanje i rad sa svim vrstama prenosnih i prijevoznih aparata za gašenje požara;
- upotrebu lične i kolektivne zaštitne opreme, uređaja i sredstava;
- oslobađanje pritiska kod aparata pod stalnim pritiskom i otvaranje rezervoara;
- rasklapanje zatvarača ili ventila, provjera mehanizma za aktiviranje i zamjena svih zaptivača;

- provjera usponskih cijevi;
- pražnjenje praha uz provjeru stanja praha u pogledu rastresitosti i pojave grudica kod aparata napunjenih prahom;
- iz aparata napunjenog halonom prepumpavanje halona iz rezervoara;
- pregled unutrašnjosti rezervoara aparata;
- vršenje hidrauličkog ispitivanja čvrstoće i nepropusnosti rezervoara aparata;
- sušenje ispitanog rezervoara izvana i iznutra;
- utiskivanje oznake godine ispitivanja i znaka ovlaštenog preduzeća koje je izvršilo ispitivanje na dno s vanjske strane rezervoara aparata;
- prije ponovnog punjenja rezervoara aparata prahom, na dno rezervoara staviti prsten izrađen od materijala koji je otporan na koroziju na kojem treba, na neizbrisiv način, označiti godinu izvršenja spomenute radnje;
- provjera pritiska otvaranja sigurnosnog ventila osim kod rasprskavajućih membrana;
- izmjena rasprskavajućih membrana na sigurnosnim ventilima;
- minimalna oprema za održavanje aparata;
- odgovarajući suhi zatvoreni prostor za punjenje i pražnjenje aparata prahom;

**PROGRAMSKO GRADIVO ZA POLAGANJE
PISMENOG DIJELA STRUČNOG ISPITA**

Obuhvata poznavanje osnovnih sadržaja i primjenu zakonske regulative, tehničkih propisa i standarda, kao i usvojene tehničke prakse, koji se odnose na:

- a) Zakon o zaštiti od požara i vatrogastvu ("Službene novine Federacije BiH", broj 64/09) i propise donesene na osnovu njega,
- b) Zakon o zaštiti na radu ("Službene novine Federacije BiH", broj 79/20) vrste aparata za gašenje početnih požara,
- c) postupke projektovanja i ugradnje aparata za gašenje početnih požara,
- d) način rada, metode ili osnovne postupke za obavljanje ispitivanja, servisiranja i održavanja aparata za gašenje početnih požara,
- e) osnovne fizičko-hemijske i protivpožarne karakteristike sredstava za gašenje požara aparatima za gašenje početnih požara,
- f) mjere bezbjednosti za posude koje sadrže sredstava za gašenje početnih požara,
- g) opremu koja se koristi za ispitivanje, servisiranje i održavanje aparata za gašenje početnih požara (ispitni i mjerni uređaji, instrumenti, pribor i drugo),
- h) izvori opasnosti i mjere bezbjednosti pri radu na poslovima ispitivanja, servisiranja i održavanja aparata za gašenje početnih požara, uključujući i izvori opasnosti i mjere bezbjednosti sa aspekta uticaja po okoliš,
- i) izdavanje zapisnika o svakom obavljenom pregledu i ispitivanju aparata (član 10. Pravilnika o odabiru i održavanju aparata za gašenje početnog požara koji se mogu stavljati u promet s jamstvenim rokom i servisnim rokom,
- j) periodičnim pregledom aparata punjenih prahom potvrđuje će se lijepljenjem naljepnice,
- k) prava i dužnosti vlasnika i korisnika aparata za gašenje početnih požara,
- l) kaznene odredbe koje se odnose na aparate za gašenje početnih požara.

Obuhvata poznavanje osnovnih sadržaja i primjenu tehničkih propisa i standarda ili usvojene tehničke prakse za ispitivanje, servisiranje i održavanje aparata za gašenje početnih požara, koji se odnose na:

- a) princip rada aparata za gašenje početnih požara,
- b) oprema za ispitivanje, servisiranje i održavanje aparata za gašenje početnih požara,
- c) opremu koja se koristi za ispitivanje, servisiranje i održavanje aparata za gašenje početnih požara

(Pravilnika o izboru i održavanju aparata za gašenje početnog požara),

- d) parametre koji se mjere kod aparata za gašenje početnih požara (kapacitet, raspoloživi pritisak i sl.),
- e) metode i postupke kod ispitivanje, servisiranje i održavanje aparata za gašenje početnih požara,
- f) postupke održavanja koji proizilaze iz tehničkog uputstva i/ili uputstva za upotrebu koje propisuje proizvođač aparata za gašenje početnih požara.

Prilog broj 2.

(naziv podnosioca zahtjeva)

(naziv organa kojem se upućuje zahtjev)

PREDMET: Zahtjev za polaganje stručnog ispita.-

Na osnovu člana 12. Pravilnika o uslovima koje moraju ispunjavati pravna lica koja obavljaju kontrolu ispravnosti, servisiranje i održavanje aparata, kao i sadržaju i načinu polaganja stručnog ispita za lica koja lično (neposredno) obavljaju poslove ispitivanja, servisiranja i održavanja aparata za gašenje početnih požara („Službene novine Federacije BiH“, broj ____), podnosim zahtjev za polaganje stručnog ispita.

_____ (prezime, ime oca i ime)
rođen _____ u _____
(datum rođenja) (mjesto rođenja)
država _____ sa završenom / im _____
(državljanin) (naziv škole - fakulteta)

Uz prijavu prilažemo original ili ovjerenu kopiju:

- 1) dokaz o završenoj školi/fakultetu,
- 2) potvrda o završenoj obuci iz člana 11. stav (2) ovog pravilnika,
- 3) cips prijava o mjestu prebivališta,
- 4) dokaz o uplati troškova za polaganje ispita (uplatnica),
- 5) administrativna taksa.

.....
(mjesto i datum)

.....
(potpis podnosioca zahtjeva)

Prilog broj 3.

ZAPISNIK

Ispitne Komisije o polaganju ispita za lica koja (neposredno) obavljaju poslove ispitivanja, servisiranja i održavanja aparata

Dana, _____ godine, u prostorijama kantonalnog ministarstva, stručnom ispitu je pristupio kandidat _____ pred Komisijom za polaganje ispita, imenovanj rješenjem kantonalnog ministra broj: _____ od _____ godine, u slijedećem sastavu:

1. _____, predsjednik Komisije,
 2. _____, član,
 3. _____, član,
- _____, sekretar komisije.

1. PODACI O KANDIDATU

Na osnovu Rješenja o odobravanju polaganja ispita broj: _____ od _____ godine, kandidat _____ sin _____ sa _____ stepenom stručne spreme, rođen _____ godine, u mjestu _____ po zanimanju _____, polagao je ispit za obavljaju poslove ispitivanja, servisiranja i održavanja aparata u skladu sa Pravilnikom o uslovima koje moraju ispunjavati pravna lica koja obavljaju kontrolu ispravnosti, servisiranje i održavanje aparata, sadržaju i načinu polaganja stručnog ispita za lica koja (neposredno) obavljaju poslove ispitivanja, servisiranja i održavanja aparata („Službene novine Federacije BiH“, broj _____).

Imenovani je polagao u prvom pristupanju ispitu.

2. POLAGANJE ISPITA

Kandidat je pristupio polaganju ispita koji se sastoji od 10 pitanja sa ponuđenim opcijskim odgovorima (test je sastavni dio ovog zapisnika).

Nakon pregleda pismenog testa kandidata, Komisija je konstatovala da je na pismenom testu osvojio _____ bodova, te da je „položio ispit“ ili „nije položio ispit“.

3. ZAKLJUČAK

Komisija konstatuje sljedeće:

- kandidat je „položio ispit“ ili „nije položio ispit“, sa osvojenih _____ bodova,

Na osnovu „**položenog ispita**“ ili „**ne položenog ispita**“ (zaokružiti jednu od ponuđenih opcija), Komisija konstatuje da je kandidat _____ „**položio ispit**“ ili „**nije položio ispit**“ za **obavljanje poslova ispitivanja, servisiranja i održavanja aparata**.

_____; _____ godine

KOMISIJA:

1. _____, predsjednik
 2. _____, član
 3. _____, član
- _____, sekretar komisije

Prilog broj 4.

KANTONALNO MINISTARSTVO UNUTRAŠNJIH/UNUTARNJIH POSLOVA _____

Broj:

Datum: _____ 20__ godine

Na osnovu člana 20. Pravilnika o uslovima koje moraju ispunjavati pravna lica koja obavljaju kontrolu ispravnosti, servisiranje i održavanje aparata, kao i sadržaj i način polaganja stručnog ispita za lica koja lično (neposredno) obavljaju poslove ispitivanja, servisiranja i održavanja aparata za gašenje početnih požara („Službene novine Federacije BiH“, broj....), Kantonalno ministarstvo unutrašnjih/unutarnjih poslova _____ kantona, izdaje

UVJERENJE
o položenom stručnom ispitu_____
(ime, očevo ime i prezime kandidata)rođen/a _____ sa završenom _____
(dan, mjesec i godina rođenja) (naziv završene škole/fakulteta)i stečenim zvanjem _____, te _____ stepenom stručne spreme
(stečeno zvanje)

polagao/la je dana _____ godine stručni ispit

u _____ i upisan/a je u knjigu evidencije pod rednim brojem: _____
(mjesto polaganja)

Stručni ispit polagao/la pred Komisijom za polaganje ispita i prema ocjeni komisije

POLOŽIO/LA JE STRUČNI ISPIT

M.P.

(potpis ministra)

Prilog broj 5.

EVIDENCIJA
IZDATIH UVJERENJA O POLOŽENIM STRUČNIM ISPITIMA ZA LIČNO (NEPOSREDNO) OBAVLJANJE POSLOVA ISPITIVANJA, SERVISIRANJA I
ODRŽAVANJA APARATA ZA GAŠENJE POČETNIH POŽARA

R/B	IME (očevo ime) I PREZIME	DAN, MJESEC I GODINA ROĐENJA	STEČENO STRUČNO ZVANJE	POLAĞAO STRUČNI ISPIT <i>(Upisati datum polaganja ispita)</i>	BROJ IZDATOG UVJERENJA <i>(Iz protokola)</i>	DATUM IZDAVANJA UVJERENJA <i>(Iz protokola)</i>
1	2	3	4	5	6	7
1.						
2.						
3.						
4.						
5.						
6.						
7.						
8.						